

OBAVIJEST O UVOĐENJU OBAVEZNOG PREDŠKOLSKOG ODGOJA I OBRAZOVANJA ZA DJECU U GODINI PRED POLAZAK U ŠKOLU

Zakonom o predškolskom odgoju i obrazovanju u Kantonu Sarajevo propisano je uvođenje obaveznog predškolskog odgoja i obrazovanja za svu djecu u godini pred polazak u školu. Primjena obaveznog predškolskog odgoja i obrazovanja počinje u školskoj 2010/11. godini.

U vezi sa navedenim, smatramo potrebnim informirati javnost o nekim bitnim segmentima i aktivnostima u vezi sa realizacijom prijave, upisa i pohađanja ove vrste obrazovanja, i to:

1. Obveznik predškolskog odgoja i obrazovanja je svako dijete koje 01. septembra 2010. godine ima punih 5 godina života (djeca u šestoj godini života). Za djecu mlađu od ovog uzrasta mogu se izvršiti prijave, ukoliko roditelji smatraju da je dijete psihofizički zrelo za upis, odnosno, ako je planiran njihov upis u osnovnu školu u 2011/12. školskoj godini.
2. Djeci-obveznicima predškolskog odgoja i obrazovanja, koja će pohađati neku od privatnih predškolskih ustanova, upisanih u Registar predškolskih ustanova Kantona Sarajevo, nije obavezan prelazak u drugi vrtić, pod uvjetom da te ustanove provode obavezan program predškolskog odgoja i obrazovanja, koji je donio ministar obrazovanja i nauke Kantona Sarajevo.
3. Roditelji su obavezni prioritetno prijaviti dijete u najbliži vrtić predškolske ustanove (vrtići-označeni za prijavu). Ukoliko nema mogućnosti za navedenu prijavu (vrtić udaljen od prebivališta), dijete se tada prijavljuje za pohađanje obaveznog programa u najbližu osnovnu školu (škole navedene u tabeli).
4. Obavezni predškolski odgoj i obrazovanje će se realizirati po programu koji je donio ministar obrazovanja i nauke, a koji je dostupan na web stranici Ministarstva.
5. Program će se realizirati u vrtićima JU „Djeca Sarajeva“ i u osnovnim školama, prema rasporedu koji će sačiniti Ministarstvo obrazovanja i nauke.
6. Obavezno pohađanje ovog programa je planirano jedan dan u sedmici, u trajanju od četiri (4) časa po trideset (30) minuta (ukupno 120 minuta).
7. Prijavni obrazac se može pribaviti na web stranici Ministarstva obrazovanja i nauke (www.monks.ba), Općini Stari Grad - Službi za obrazovanje, kulturi i sport i mjesnim zajednicama Općine Stari Grad Sarajevo, te na prijavnim mjestima (vrtići i škole) kao i u zgradi Kantona Sarajevo (Reisa Džemaludina Čauševića 1 – šalter sala u prizemlju zgrade), već od dana objave Javnog poziva.
8. Uz prijavu za pohađanje obaveznog programa predškolskog odgoja i obrazovanja za dijete - obveznika predškolskog odgoja i obrazovanja roditelji su obavezni dostaviti i slijedeću dokumentaciju:
 - a) Kopiju prijavnice prebivališta i kopiju lične/osobne karte jednog roditelja ili staratelja,
 - b) Izvod iz matične knjige rođenih za dijete (original ili ovjerena kopija) i
 - c) Ljekarsko uvjerenje za boravak djeteta u vrtiću.
9. Za djecu koja posjeduju ljekarsko uvjerenje za pohađanje predškolske ustanove u školskoj 2010/11. godini nije potrebno pribavljati novo ljekarsko uvjerenje.
10. Prijavu i prateću dokumentaciju podnosi roditelj ili staratelj djeteta lično od 01.09.2010. – 17.09.2010. godine, od 09.00 - 12.00 sati i od 16.00 – 18.00 sati, svakim radnim danom.
11. Prijave za područje Općine Stari Grad se podnose u slijedećim vrtićima JU „Djeca Sarajeva“ i osnovnim školama:

1. Vrtić “Biseri”, Očaktanum 60
2. Vrtić “Pčelica”, Jekovac 1
3. Vrtić “Bajka”, Vrbanjuša 138

1. OŠ “Edhem Mulabdić”, Konak 1
2. OŠ “Šejh Muhamed ef. Hadžijamaković”, Iza Hrida 11
3. OŠ “Vrhbosna”, Baruthana 60